

醫

燈

續

焰

醫燈續焰卷十六

錢塘後學潘楫碩甫註

同邑社盟王佑賢聖翼評

門人 高鴻奎君錫

曹毓貞元起校

婿施安祖孔安

小兒脉證第七十八

小兒之脉。七至爲平。更察色證。與虎口文。

三歲以下小兒純陽之體。形質小。呼吸促。脉之周
行駛而應指疾。大約以七至爲平。非若大人四至
爲平也。其太過爲數爲熱。不及爲遲爲寒。則與大
人無異矣。雖然脉至七八。難全爲準。必察其色。與
所見之證。更視虎口之文。而病情始無隱匿。蓋五
藏之列於面。各有定部。如左腮屬肝。右腮屬肺。額
上屬心。鼻屬脾。頰屬腎是已。諸邪之見於部。亦各
有定色。如赤爲熱。白爲寒。黃爲積。青黑爲痛是已。

虎口者。食指內側。連大指作虎口形。故曰虎口。是處肌皮嫩薄。文色顯明。卽肺手太陰經脈之盡處。諸脈大會此經。察色者。卽所以察脈也。故色赤爲熱。在脈則數。色白爲寒。在脈則遲。色黃爲積。在脈則緩。色青黑爲痛。在脈則沉弦。此皆自然之理。非可牽會。雖無五部之分。而有三關之別。指初節曰風關。二節曰氣關。三節曰命關。文色見風關者輕。再進。則上氣關爲重。再進。則直透命關爲最重。甚。

則至死。由風邪而干正氣。正氣不能勝而迫及於命。漸進漸深之象也。至如外證。肝病。至諸風顛掉。實則目直。叫呼。脇痛。項急。呵欠。頓悶。二便閉塞。虛則咬牙多欠。目閉羞明。心病。至驚。實則發搐。叫喊。或笑。發熱。欲飲水。頻吐舌。虛則悸。卧不安。畏見人。舌痿不能乳。脾主困。實則困頓。身重肌熱。腹脹硬。唇腫而渴。虛則吐瀉不食。慢風。四肢不收。口流涎。肺主喘。實則胸滿喘促悶亂。虛則哽氣。呵欠寒慄。

腎至恐慄。畏明不能立。二便清泄。足冷。但有虛證。而無實證。已上諸證。不過言其大槩耳。至於傾移傳變。何可勝紀。唯醫機之士。察合色脈。識本知標。源流窮源。緝綜體認。縱不能臻聖神之域。諒亦不在工巧之下矣。

小兒雜述

襁褓 千金論云。小兒宜用父故絮。女用母故絮。爲衣。勿用新綿。及過厚。令壯熱生瘡。發癩。又令筋

骨緩弱。宜時見風日爲佳。

○乳哺 乳者奶也。哺者食也。乳後不得便與食。哺後不得便與乳。小兒脾胃弱。乳食相併。難以尅化。周歲已上。必成乳癖食癖。作熱作疼。疳病從此始。丹溪曰。小兒腸胃薄窄。一切酸醎甜辣。魚肉水果。濕麵煎炒。俱是發熱難化之物。皆宜禁絕。只與熟菜白粥。非唯無病。且不縱口。可以養德。婦人無知。唯務姑息。畏其啼哭。無所不與。積成痼疾。雖悔何

及乳母尤宜謹節。飲食下咽。乳汁便通。情欲中動。乳脉便應。兒得此乳。疾病立至。不吐則瀉。不瘡則熱。驚搐夜啼。口糜腹痛諸疾。所由來矣。病之初來。其溺必少。便須詢問。隨證治母。可消患於未形也。乳母亦不宜用狐臭。癭癩。喘嗽。疥癬。頭瘡。聾啞。龜鼻。癩證之人。

肘後云。兒生三日。宜助穀神。碎米作飲如乳。與兒大豆許。令嚙之。頻與三豆許。三七日可哺。

千金云。兒哺早。不勝穀氣。令頭面體生瘡。愈而復發。疳癘難養。一月後。雖哺勿多。不嗜食。勿強與之。寶鑑云。兒五十日。可哺如棗核。百日彈丸。早晚二哺。莫當風解衣澡浴。及帶哭而乳。冒冷而哺。又不可在神佛驢馬畔。及各房異戶。皆令兒爲病。

錢乙云。惜兒過當。三兩歲。猶未飲食。致脾胃弱。一生多病。半年後。宜煎陳米稀粥。時與之。十月後。漸與稠粥。助中氣。自然易養。少病。

外臺崔氏。初哺兒。用平定成日。丑寅辰巳酉日吉。
男忌戊巳。女忌丙丁日。

小兒四五歲。當斷乳而不肯斷者。

宜畫眉膏

斷後。肉食

宜少。少漸進。則無疳癆之患。

田氏曰。大凡小兒過煖生熱。熱極生風。提抱生癆。
餵飼生疳。盛夏浴後。勿卽乳兒。兒啼勿卽與乳。令
兒成胃毒。或秋成痢。浴後良久。身體燥。兒啼後。俟
氣息平。方可乳。盛啼卽乳。多令氣逆成呃。

千金論曰。乳兒勿過飽。飽則溢而吐。若乳來多猛。取出授後再乳。或先捏去宿汁乳之。乳母欲寐。當以臂枕兒頭。與乳平。母欲睡熱。卽奪其乳。恐其不知飽足。亦成嘔吐。父母交合兒卧於側。或驚起。勿與乳。蒸氣亂未定。亦能害兒。

顧頤經曰。夏不去熱乳。令兒嘔吐。冬不去寒乳。令兒瀉痢。侵早乳兒。皆須捏去宿乳。乳汁勿投於地。虫蟻食之。令乳無汁。宜沃東壁上。

張漢曰。乳母須每日三時。摸兒項後風池。若壯熱者。卽須熨之。使微汗卽愈。風池在頭項筋間棘之邊。切不可妄鍼灸。亦不可輒吐下。蓋鍼灸傷兒經絡。吐下動兒藏府也。

嬰兒半歲。尻骨已成。乳母當教兒學坐。二百日外。掌骨成。教令地上匍匐。三百日。臍骨成。教令獨立。周歲。膝骨成。教令行步。此皆一定之法。世人惜兒。懷抱過時。柔痠筋骨。爲害非淺。

○初生兒在胎。藉胎液以生藏府。分娩時。口含血塊。啼聲出。卽嚙下此毒內伏命門。外感天時。多發爲驚風瘡疹等病。須於未啼時。用綿裹指。急空去。用黃連豆豉硃蜜甘艸解之。後出痘亦輕。又或難產。或冒風寒垂危者。勿卽斷臍帶。急烘綿絮。包抱懷中。以胎衣置火中。更用火紙捻於臍帶上下往來煖之。使煖氣入腹。必自甦。尤戒浴。恐腠理泄而外邪乘也。看舌下有膜如榴子連舌。致啼不出。聲

不轉。速以指爪斷，或用葦刀割之。微有血出，卽活。若血出多，燒髮灰、豬脂和塗之。見上下唇與齒齦連處，皆有一筋牽引。若上唇筋緊，卽生上煉。下唇筋緊，卽生下煉。上煉生瘡滿頭，或眉間如癰狀。癢痒不已，復流黃汁。至處生瘡。下煉起腰背，漸至四肢。患亦如上。若不治，或頭面相通，累年不輕。令天折，或成大病。唯每早拭口佳。

兒生三月，以桑槐榆桃柳嫩枝，各三寸，長者二三

十節煎湯適冷熱入猪胆汁一枚浴之。勿久。浴湯用猪胆、益母草、不生疥瘡。用金銀花、虎頭骨、麝、丹砂、辟惡氣、客忤驚癇。用桃梅李楮根葉。解體熱溫疫。須臨浴時煮。紀用經浴法。用寅卯酉日吉。壬午丁未癸巳凶。不能上三日。勿犯下三日。又三日五日七日宜浴。

小兒浴。勿先斷臍帶。恐水濕侵臍。有臍風臍瘡等證。用清油調髮灰傅臍佳。

千金云。臍勿以刀割。隔单衣咬斷。以煖氣呵七遍。卽纏結。所留帶。致兒足跌上。斷訖。看臍帶中多有虫。悉剔去。不爾。入臍成疾。臍當長六寸。長則傷肌。短則傷藏。不以時斷。及按汁不盡。煖氣漸微。卽生寒。令兒臍風。寶鑑論斷臍。若用剪刀。先於懷中令剪煖。又水入臍。多天鈞。痛苦啼叫。面青黑。臍傷動。久不乾。傷外風。卽口噤不可救。聖惠云。兒生一宿。抱近明無風處。看臍上有赤脉直上者。卽於脉盡

頭灸三壯。赤散卽無患矣。裹臍必用軟練帛。若十許日。怒啼不止。必臍燥刺腹。或衣中有刺物。或換衣。或換裹須細察之。

崔氏云。兒衣須清水洗。勿令污濁。新瓶盛。密蓋。置便宜處。三日後。依月吉地向陽處埋之。入土三尺。

須牢築。令兒壽。若不謹。或爲虫畜傷食。弄兒不壽。

或橫亡。宜天德月空處埋吉。

正月天德在丁月空在丙辰餘詳官本曆

日若遇反支。宜挂宅外福德上。向陽高燥處。待過。

月。然後依法埋藏吉。甲乙日生。丙丁日藏。丙丁日
生。戊巳日藏。戊巳日生。庚辛日藏。庚辛日生。壬癸
日藏吉。

集驗方云。小兒初剃頭。不擇日。皆於滿月日剃之。
蓋俗所尚。前產婦未得出房。於滿月。卽與兒俱出。
謂胎髮穢惡。有觸神竈。令兒不安。故於此日剃頭
而出。凡剃頭。須避風。就煖。剃後。以杏仁三枚。去皮
尖。研碎。入薄荷三葉。再同研。却入生麻油三四滴。

膩粉拌和。頭上擦。免生瘡疥熱毒。

（初生輒死 千金云。兒初生輒死。視口中懸壅前
上齶。有泡者。以指甲摘取頭。決潰去血。勿令入咽。
不能啼 三因云。兒初生不能啼者。必難產胃寒
所致。急用綿絮包抱懷中。勿斷臍帶。將胞衣置爐
炭中燒之。再燃大紙條。蘸油點火。於臍帶下熾之。
令火氣入臍。更以熱醋湯盪洗臍帶。須臾氣回啼
哭。方可浴。浴後斷帶。又或有泡在上齶。卽如上救。

初生輒死法治之。

○眼不開 兒初生眼不開呻吟胎熱故也。宜天竺

黃散。主地黃湯。及與乳母喫。亦有洗拭不淨。使穢

汁漬於背中。致赤爛。長亦不瘳。

宜真金散洗之

○不喫乳 此亦拭口不淨。惡穢入腹。令兒腹滿氣

短。不能吮乳。或母取冷過度。胎中受寒。令兒腹痛。

也。宜外臺方之類灸承漿七壯亦好

不小便 此多因母恣食熱物。熱毒入胎所致。如

臍腹腫脹。四旁青黑色。及口撮。卽不可救。如未見

色。

宜外登方豆
豉膏之類

○不大便。由胎中受熱。熱結肛門。燥澀所以如此。若三日不通。急令乳母以溫水漱口。啞兒前後心并臍下。手足心共七處。凡四五次。仍以輕粉半錢。蜜少許溫水化開。時時服少許。以通爲度。如仍不通。須透而通之。金簪玉簪俱可。須刺入一二寸。肉少蘇。合丸於內。糞出爲快。若腹膨脹。呻吟不乳。至

一七則難救。用硬芎藭絛疝門亦好。

鴛口 初生口中舌上。白屑如鴛之口。由在胎受
殺氣盛。心脾熱氣薰發。用髮纏指。蘸井花水揩拭
之。睡時。煨黃丹出火氣。摻舌上。如屑不脫。可濃煮
栗茨汁。綿纏指蘸拭。如無栗茨。栗木皮代之。

撮口 其證舌強唇青。聚口撮面。面目黃赤。喘急
聲不出。飲乳有妨。若口出白沫。四肢冷。不治。其或
肚脹青筋。弔腸卵疝。內氣引痛。皆腸胃鬱結不通。

所致。治宜疎利。過七日乃免。

宜辰砂礞
散之類

臍風。臍濕。臍瘡。氣臍。凸臍。此皆因斷臍不慎。爲

風冷。水濕所乘。入於臍。流入心脾。令腹脹臍腫。四肢不收。多啼不乳。甚者發搐。久不瘥。爲臍瘡。入於經脈。多變爲癩。若臍凸肚緊。微有青色。口撮不開。肝氣盛而尅脾土。不可施治。縱使得安。亦非長壽。

宜五苓
散之類

又法。小兒七日內。患臍風撮口。百無一愈。

但看兒齒齲上。有小泡子如粟米狀。以熟帛裹指。

蘸溫水輕輕擦破。卽安。又灸然谷穴。在內踝前。大骨下陷中。灸三壯。鍼入三分。不宜見血。顛頤經治臍濕。用枯礬龍骨爲末。入射少許。拭臍乾用。避風。絳帛灰傅妙。蓋破屋爛草爲末。摻之。亦好。氣臍。大如栗。虛腫而軟疼。用竹瀝塗。日數上消。臍瘡。宜龍骨散。凸臍。因兒有熱在胸。頻頻伸引。呃呃作聲。努張其氣。抑入根本之中。所以凸起。虛大可畏。不必以藥傅之。恐反爲害。

宜白芍藥湯加米仁煎湯空心溫服以外清散塗貼自平

天鈞 亦驚風之類。但發時頭面仰視。翻眼抬睛。

故名天鈞。

宜雙金散或灸兩手大姆指兩甲內相半男先灸左女先灸右及兩足大姆指

中間各三五壯又多前後手心各五壯妙

頭目不仰乃驚風之類。

宜辰砂抱

九龍

遺尿 原病式。謂遺尿不禁爲冷。內經云。不約爲

遺溺。仁齋曰小便者。乃津液之餘也。腎主水。膀胱

爲津液之府。腎與膀胱俱虛。而冷氣乘之。不能拘

制。其水出不禁。謂之遺尿。唾裏出者。謂之尿牀。此

者言大法書
此數語

皆腎與膀胱俱虛而挾冷所致。

宜詳腸散
外臺方

亦有熱

結於腎部。干於是。厥陰之經。庭孔鬱結。氣血不能
宣通。則痿痺而神無用。故液滲入膀胱而溺遺失。

宜六
家先

舌。齟。齟。諸病。 禪師王紹龍先生云。心爲一身君

主。神識之舍。外候於舌。無論外感內傷。皆當察之。

其色紅潤而淨者吉。有胎者病。胎薄少。色鮮明者
輕。厚滿。色黑闇者危。色枯燥不澤。圓縮強硬者死。

至於傷寒。痘疹。更宜細察。又脾之脈絡絡舌本。心脾有熱。無處疏泄。而發證於舌者。如弄舌。重舌。木

舌。舌白。舌黃。舌瘡。舌血之類。弄舌者。時時微吐。其

舌如火之燄。心脾積熱所致。兼脾證者。宜瀉黃散

導赤散。或大黃黃連瀉心湯。重舌者。舌下有形如舌。宜刺出血

散敷。糝清液散。馬牙疳。薄黃末之類。木舌者。舌腫漸大。塞滿口。不治

殺人。宜瀉黃散。舌白者。舌上有厚白胎也。宜桑白皮汁

生薑。橘舌黃者。即舌上黃胎也。宜瀉黃散。舌瘡者。舌上

生瘡也。

宜白礬
塗足法

舌血者舌上黑。有孔出血不止。心

火熾盛故也。

宜蒲黃
末敷之

重齟重齟者。齟上齟上腫也。

總不外一熱。俱宜刺決洗拭。

宜雞內金為末乾糝
或服五疳化毒丹

○鼻衄

小兒鼻衄者。因肺胃熱盛。迫血妄行。出于

上竅。春冬衄者。宜用生地黄汁。加生蒲黃末少許。

砂糖并花水浸服之。秋夏宜用車前草一握。洗淨。

同生薑一處研取汁。入白蜜一匙。先拌查塞鼻。次

用新汲水。和蜜并車前薑汁飲之。又生蘿蔔搗汁。

仰頭滴入鼻卽止。次以新汲水和蜜蘿蔔汁飲之。又宜服膠黃散。

○語遲 應語不語曰語遲。由母受驚怖。內動兒藏。

邪乘於心。舌乃心苗。心氣不和。舌痿無力故也。

蒲九或灸
心俞三壯

○無辜疳 巢氏云。古謂天上有鳥。名無辜。晝伏夜遊。小兒衣衾。夜露失收。鳥從上過。小兒親體。染其毒氣。遂致而黃髮直。壯熱。能飲食而不生肌肉。累

積月日而死。故名無辜。漢東王先生非之曰。此由八邪所乘。八邪者何。謂饑。飽。勞。役。風。驚。暑。積也。若然。是皆有因而成。不得名無辜矣。昔謂夜露陰沉。百邪皆出。狐。狸。梟。鵬之類。何所不有。衣染其氣。小兒氣虛體薄者。理應成病。以其不在八邪之內。無辜而得。故名無辜。非獨因烏名也。宜肥兒丸布袋丸之類

○鶴節 小兒稟賦不足。血氣不榮。肌肉瘦瘁。骨節

聳露。如鶴膝之節。乃腎虛不生骨髓耳。宜錢氏地黃丸

○哺露 小兒哺乳不節。不消。致脾胃衰弱。弱則愈不能消。令肌肉尪羸。骨如柴露。吸吸苦熱。以其得

之乳哺。故曰哺露。

宜大啓脾
左腕見左

○丁奚 小兒脾胃尚弱。若哺食過度不消。水穀之精減少。不榮肌肉。日漸瘦削。其頸項四肢。骨立零丁。而腹則獨大如奚。奚也。故名丁奚。與哺露大同小異。其證吐泄不時。色慘潮熱。或黃瘦。頤開頤陷。

手足如筒。

宜參苓白朮散
大啓脾丸之類

○滯頤 俗名口水。流滯於頤下。故名。由脾虛冷液

多。不能收攝耳。亦有脾虛挾熱而流者。宜審證施

治。虛冷宜益黃散。熱宜瀉黃散之類。

啼哭 有驚啼。夜啼。軀啼。驚啼者。精神不定。睡臥

不安。如驚而啼。屬藏熱。夜啼者。入夜卽啼。陰寒相

感。屬藏寒。軀啼者。腹中痛甚。張氣促眉。身軀而啼。

屬食不消。或有積滯。

驚啼宜安神丸。涼屬散。夜啼宜花火膏。蟬花散。茅先生林

辱音。軀啼宜白朮當歸煎丸之類。

○龜胸。龜背。龜胸者。母食五辛。或兒食宿乳。熱薰于肺。肺氣不寧。以致欬逆上氣。壅滿胸中。久則胸亦高腫。如龜之胸也。龜背者。是強兒坐。或坐風中。邪乘于脊。或乘于督脈。不能解散。漸如偃僂而背高如龜狀也。龜胸者宜芩瀉白散外治。塗龜尿法。龜背者宜羌活防風及龜鹿膠等藥外亦宜塗龜尿。

○解頤。頤陷。頤填。解頤者。小兒數歲。頤不合而頭頤開也。頤陷者。頤門深陷也。頤填者。頤門腫起也。

皆屬腎虛髓少。骨氣不實。多主夭折。間有藏府有

熱。熱上衝而成者。然腎虛固本病耳。

宜補中益氣湯錢氏地黃

丸小兒綱頰菜之類

○行遲 腎主骨。主髓。虛則髓少骨柔。故行遲耳。

宜錢

氏地黃丸。芫丹之類。

○齒遲 亦腎虛也。夫齒爲骨之餘。藉髓榮養。腎髓

虛少。不能充骨。又安能及齒。故久不生也。

宜六味地黃丸

○髮遲髮黃 亦少陰腎藏虛耳。腎主藏精。其華在

髮少陰氣血不足。卽髮疎薄不生。亦有因頭瘡而

禿落者。

宜千金煨蓂方榆米散聖惠黑豆膏選用

錢氏曰。小兒長大不行。行則脚弱。齒久不生。生則不固。髮久不生。生則不黑。皆屬氣血虛也。宜大劑補之。

髮黃宜千金異大豆方

○齒牙頰車。齒者骨之餘。其本在腎。而經則屬胃。與大腸。病在本者。多屬虛。在經者。多實火。宜細察形脉兼證治之。

宜清胃湯雄黃九千金白鹽方靈苑生齒方

耳 耳者心腎之竅。肝膽之經也。心腎主內。腦精血不足。肝膽主外。屬風熱有餘。或鼻噴。或鳴響者。稟賦虛也。或脹痛。或膿痒者。邪氣客也。虛者宜六味。實者宜柴胡。散。其他諸證不一。宜後方對證選用。宜以體貴散若諸虫入耳宜立發散

五癭 五癭者。頭項軟。手軟。脚軟。肌肉軟。口軟是也。頭顛。頭不舉。項脈軟而難收。治雖暫差。他年必再發。手軟。則手垂。四肢無力。亦懶抬肩。若得聲聞。

還進飲食，乃慢脾風候也。尚堪醫治。脚軟者，五歲不能行，虛羸脚細小，不妨榮衛，但服參耆等藥，併錢氏地黃丸，長大自然肌肉，充滿。肌肉軟，則肉少。皮寬，自難飲食，不長肌肉。宜錢氏補遺丸。若瀉利頻者，難治。口軟，則虛。舌出口，唇青氣喘，則難治。薛氏曰：頭項軟者，天柱骨弱，藏府骨脈皆虛。諸陽氣不足也。手足軟者，脾至四肢。中州不足，不能榮養四肢，故肉少皮寬而飲不爲肌膚也。口軟者，口爲脾竅。上

下。隤。屬。手。足。陽。明。陽。明。主。胃。脾。胃。氣。虛。舌。不。能。藏。
而。常。舒。出。也。此。五。者。皆。因。五。藏。氣。弱。不。能。滋。養。充。
達。原。其。要。則。總。歸。於。胃。以。胃。爲。水。穀。之。海。五。藏。六。
府。之。大。源。故。治。必。先。以。脾。胃。爲。主。皆。宜。用。補。中。益。
氣。湯。以。滋。化。源。頭。項。手。足。三。軟。兼。服。地。黃。丸。

○五。軟。五。軟。者。仰。頭。取。氣。難。以。動。搖。氣。壅。作。痛。連。
於。胸。膈。手。足。心。冷。而。軟。此。陽。氣。不。營。於。四。末。也。經。
曰。脾。主。四。肢。又。曰。脾。主。諸。陰。今。手。足。冷。而。軟。者。獨。

陰無陽也。故難治。若肚筋青急者。木乘土位。急用
六君子湯。加炮薑肉桂。柴胡升麻。以復其真氣。若
係風邪。當參驚風治之。此證從肝脾二藏受患。補
脾平肝。

（） 魛病 魛。小鬼也。乳兒未能行。而母復有娠。其兒
忽微下利。寒熱往來。毛髮聳。爲有惡鬼神。尊腹
中之胎。妬嫉而爲此。故名魛病也。以他兒食其乳。
亦能相繼而病。故俗又名繼病。雖然。妊娠乳兒。不

必悉致魃亦偶有此耳。女子氣血上爲乳汁下爲經水。小兒飲交乳且病。况氣血旣榮於胎而乳汁必自漓薄。兒飲之能無病乎。鬼神之咎似無稽也。客忤客忤者。是小兒神氣輭弱。忽有非常之物。或未經識見之人觸之。與兒氣相忤而發病。謂之客忤。亦名中客。又名中人。其狀吐下青黃白色。水穀解離。腹痛。反倒天矯。面變易五色。狀似癩。但眼不上插耳。其脉弦急數者。是也。失時不治。久則難

治若乳母飲酒過度醉及房勞喘後乳者最劇能
殺兒凡兒衣布綿帛鞋襪中不得有頭髮凡小兒
中客急視其口中懸離左右當有青黑腫脉核如
麻豆大或赤或白或青者便宜用針速刺或爪摘
決之并以綿纏釵頭拭去血能愈

宜豆豉大丸摩
法譚氏殊聖治

客忤方張漢辟邪膏竈中
黃土方三物燒髮散之類

○中惡 小兒中惡者是卒中鬼邪之氣也其證先
無他病卒然心腹刺痛悶亂欲死是也此必精氣

衰弱而後鬼惡得以中之。若腹大而滿，脈繁大而浮者死，緊細而微者生。治之餘邪不盡，留滯藏府，更發變爲痲病矣。宜先下蘇合香丸未醒以皂角末搐鼻取嚏次服沉香降氣湯又宜葱刺鼻法然後灸法管吹下部法已上救客忤中惡法及一切卒死皆可參用

卒死 小兒卒死者是三虛而遇賊風故無病倉卒而死三虛者乘年之衰逢月之空失時之和也

詳靈樞
歲露篇

人因此三虛復遇賊風令陰氣偏竭于內

陽氣阻隔於外榮衛壅閉陰陽不通故暴絕而死

若藏府未竭。良久乃甦。亦有挾鬼神氣者。皆須治。令邪退乃生。若有餘邪。畱蓄再發。則成瘧病矣。其證眼合。齟齒。遍身綿軟。面青黑。口鼻冷。

宜蘇合香丸。千金牛

紙方雙兩路方治卒魘方皂角搗鼻法難冠血方灸人中反心下之類

○鬼持 小兒鬼持者。乃神氣弱。爲鬼所持。其狀無

他疾。乃痿黃啼喚。口氣常臭是也。

宜圖經治鬼持方。外臺深師五

邪丸之類

○瘧病 瘧者。注也。亦言住也。謂風邪鬼氣。住人身

內又復注易傍人。無問人之大小。若血氣衰弱。則陰陽失守。風邪鬼氣。因而客之。兩在肌腠。迎著藏府。或皮膚掣動。遊易不常。或心腹刺痛。或體熱皮。腫沉滯至死。死後注人。小兒襁褓居室。無因觸冒風邪。多緣乳母解脫之時。不避溫涼暑濕。或抱持出入早晚。其神魂軟弱。爲鬼氣所傷故耳。宜太乙備急散

○尸症 尸症者。是五尸之中。一尸症也。人無問大

小腹內皆有尸虫。尸虫爲性忌惡。多接引外邪。共

爲患害。小兒血氣衰弱者，精神亦靡，故尸疰因而爲病。其狀沉默不的，知病之所在，或寒熱淋漓，涉引歲月，遂至於死。死又疰易傷人，故曰尸疰也。聖

惠本香散之類

、蠱症 蠱症者，人以蛇虫諸毒聚於器中，令相噉食，食盡存一物，最惡最毒，名曰蠱，能隨飲食變化入腹，還生食人五臟。小兒中者，證與大人無異。其狀心腹多刺痛懊悶，甚者卽死，緩者延涉歲月。腐

困下血。藏爛乃死。死又痊。易傍人。故爲蠱症也。

范

注十七味。紫參。左。殺。羊角散。雄黃。散。小兒五種蠱毒方。敗鼓皮。

附方

畫眉膏

山梔

三個
存性

雄黃

少許

朱砂

少許

右爲細末。入麻油。輕粉各少許。調勻。候兒睡着。濃抹于兩眉上。醒便不食乳。未効。再用。加黃丹。

一錢。

金朱飲

本名天竺黃散

治驚壯熱傷寒伏熱上焦虛熱。

重舌口鼻生瘡赤眼。

川鬱金

剉皂莢水煮乾細者如膠狀佳

天竺黃

甘艸

炙

馬牙硝

各半兩

朱砂

一分研

蟬殼

十四個水洗去土

麝香

少許

右爲末每服半錢至一錢。蜜湯調下。

生地黄湯 治初生兒眼不開。

乾地黄

赤芍藥

川芎

當歸

去蘆

瓜蒌根

耳艸

各等分

右爲細末。少許用燈心煎湯調。抹口中。

真金散 治兒初生。洗眼不淨。穢汁浸漬。眼背赤

爛。至長不癒。母食熱物。熱藥名曰胎赤。

黃連

去髮

黃栢

當歸

赤芍藥

各一錢

杏仁

去皮尖半錢

右剉散。乳汁浸一宿。晒乾。爲極細末。用生地黃

汁調。一字頻頻點眼。新綿裹。荆芥湯浸濕。時時

洗浴母服洗心湯。

外臺方

乳兩合葱白一寸煎一兩沸去葱喫卽乳。

豆鼓膏

黑豆

勺一

田螺十九個

葱一大把

右搗爛芭蕉汁調貼臍下。

蘇合香丸見第十八

辰砂殭蠶散 治初生撮口。

辰砂

水飛半錢

礞石

真的去絲一錢

蛇蛻皮

炒一錢

麝香

研半錢

右爲極細末。少許。用蜜調。傅唇口。

五苓散

見第十七

龍骨散 治臍中瘡。

龍骨

煨

輕粉

各半錢

黃連

去鬚一錢半

右爲極細末。少許。乾摻臍。

白芍藥湯 治冷疝腹痛。及誤汗下。卽壞症傷寒。

是也。並宜先服。次投對證之劑。

白芍藥

一兩半

澤瀉

去粗皮
七錢半

甘艸

炙二錢

薄桂

去粗皮
一錢半

右件咬咀。每服二錢。水一盞。煎七分。空心溫服。
誤汗誤下。加入參。南木香各二錢。臍下痛。入生
薑及鹽同煎。或加釣藤亦好。

外消散 治兒初生臍突。或痛或不痛。痛則啼不
已。及小兒因感濕熱。陰囊浮腫。

大黃

牡蠣

各半兩

朴硝

二錢

前二味，剉焙爲末，仍入朴硝鉢內同杵勻，用一二錢，先取田螺淨洗，水半碗，活過宿，去螺，用水調塗臃處，卽消，其螺放生勿害。治陰囊腫，用車前子煎湯，候冷調傳。

雙金散 治天釣驚風，日久不下。

蜈蚣

一個去頭足尾，用真酥塗慢火炙黃，置砧子上，上面南立，用竹刀子當脊縫中，序剖作

兩半，個左邊者入一貼，子內寫左字，右邊者亦入一貼，子內寫右字，不得錯悞。

麝香

一錢細研先將左邊者同于乳鉢內研作細末却人在左字貼內收起別用乳鉢將

右邊字者入麝香同研極細却人有字貼內收不得相犯每有病者眼睛鈞上止見白睛兼角弓反張更不能出聲者用此藥法治之

右用細葦筒子取左字貼內藥少許吹在左邊鼻裏右亦如之用藥不可多若眼未全下更添些小以意量度其眼卽下。

神砂抱龍丸 治小兒驚風痰喘風寒。

胆星

兩四

朱砂

水飛五錢

麝香

五分

雄黃

二分錢

天竺黃

一兩

右爲極細末。并艸膏和丸。朱砂爲衣。一方加金箔十張。

雞腸散 治因膀胱有熱。服冷藥過多。小便不能禁止。或遺尿病。

雞腸

一具男用雌雞女用雄雞腸存性

牡蠣

茯苓

去皮

桑螵蛸

炒各五錢

桂

去粗皮

龍骨

各二錢半

右爲極細末。仍以雞胓脰一具。雞腸一具。燒存性。研極細末。每川和前藥末一錢。用溫酒調化。食前服。

外臺方 療小兒睡中遺尿。不自覺。

桂朮雄雞肝。等分。搗丸。一豆大。溫水下。日三服。

六味地黃丸 見卷十六

瀉黃散 見卷四十九

導赤散 見第十七

大黃黃連瀉心湯

見第五十五

清液散 治小兒重舌及口瘡。

青黛

朴硝各一錢

龍腦一字

右爲細末。用蜜調。鶯翎蘸少許傅之。

五福化毒丹 治積熱驚惕狂譫。煩渴。頰赤咽乾。

唇口生瘡。夜臥不寧。頭面遍身瘡癩。及小兒驚。

風痰熱潮搐等證。如大人口臭。及小兒瘡疹。上。

攻口齒。涎血臭氣。用生地自然汁化一丸。以雞。

翎刷口內。熱疔黃瘦雀目者。陳粟米泔下。食後
臨臥服。

玄參

桔梗

各三兩

人參

牙硝

青黛

各一兩

升艸

七分五分

麝香

一分

蜜丸。芙蓉大。金銀箔各四十片爲衣。每一丸作
四服。薄荷湯下。

膠黃散 治小兒大衄。口鼻耳出血不止。十五六

歲兒陽盛多此病。

阿膠

一兩

蒲黃

半兩

右爲末。三歲半錢。生地黃汁。微煎。調服。食前。

菖蒲丸 治小兒心氣不足。五六歲不能言。

石菖蒲

二錢

人參

切去蘆 焙半兩

丹參

二錢

天門冬

去心 皮

麥門冬

去心 焙 各一兩

赤石脂

三錢

直指有當歸。川芎。朱砂。

右爲細末。煉蜜丸。如菉豆大。或麻子大。溫水下。

五七丸至一二十九。不拘時。日三服。久服取效。
又有病後腎虛不語者。宜兼服錢氏地黃丸。

肥兒丸。治小兒腦後項邊有物如彈子。按之轉動。軟而不痛。名無辜疳。久服神效。

胡黃連

神麩炒

麥蘖

各五錢

檳榔

三錢

木香

二錢

肉豆蔻

麩裹

史君子

肉各二錢半

右爲細末。蒸餅丸如黍米大。用米飲食遠服。

味甘性色黃
香肌肉納飲
食腹乃其府
屬乃其面是
方以四君補
脾運土治其
六更蓋砂
殺蠅清熱治
其標食肉不
食藥者收藥
味于肉并肉
并味從類而
歸脾若脾症
面黃腹大飲
食不調肌肉
枯瘠每見類

布袋丸 治諸非疾面黃腹大飲食不調肌肉枯

瘁

夜明砂

揀淨淘澄淨

燕麩

沙去皮各二兩

白茯苓

去皮

白朮

無油者去蘆

人參

去蘆

茸艸

蘆薈

細末各半兩

史君子

肥白者微炒去皮二兩

右爲末湯浸蒸餅和丸如彈子大每服一九以

生絹袋盛之次用精猪肉二兩同藥一處煮候

肉熟爛提取藥於當風處懸挂將所煮肉并汁

者服之自効
恐斷齊則未
必也

令小兒食所懸之藥第二日仍依前法煮食只
待藥盡爲度

錢氏地黃丸 治頭顛不合體瘦竹露如鶴膝皆

腎虛也并治腎痺天柱傾倒腎主骨故

熟地黃

洗焙
八錢

澤瀉

洗去
毛

牡丹皮

去
心

白茯苓

各三
錢

山茱萸肉

牛膝

鹿茸

酥
炙

山藥

各四
錢

右爲末煉蜜丸如梧子大三歲已下三二丸溫

水空心化下。

大啓脾丸

即養生丸見第五十一

參苓白朮散

見第四十四

益黃散

又名補脾散

治脾胃虛寒。泄瀉嘔吐。腹痛。

鼻氣冷。有熱證。不可服。

陳橘皮

一兩

青橘皮

訶子肉

甘艸

各半兩
剉炒

丁香

二錢

白茯苓

一兩

右爲細末。每服二錢。水一盞。煎至六分。食前溫

服。

瀉黃散

見第四十九

安神丸

見第十九

涼膈散

治小兒藏府積熱。煩躁多渴。頭昏唇焦。

咽燥。舌腫喉閉。目赤鼻衄。頰頰結硬。口舌生瘡。

痰實不利。涕唾稠粘。睡臥不寧。謔語狂妄。腸胃

燥結。便溺赤澁。一切風腫。並宜服之。

方見第十九

花火膏

取燈火一顆。塗乳上。令兒吮之。

辨曰：養則脾
魂則雞鳴
心聲于夜冠
則養高聲則
最表出邪于
陽正南寢石
定驚安神草
火養養清心

蟬花散 治小兒夜啼不止。狀若鬼祟。用蟬蛻下
半截爲末。一字。薄荷湯入酒少許調下。或者不
信。將上半截爲末。煎湯調下。卽復啼也。古人立
方。莫知其妙。

茅先生抹唇膏 主小兒夜啼。內有驚熱。

蟬殼

一個
去足

燈花

兩
朶

朱砂

少
許

右爲末。如小兒夜啼。遇夜用雞冠血調藥。抹兒
上下兩脣。卽止。夾朱砂膏與服。

白木當歸煎丸 治胎寒腹痛。遇夜啼叫。身體軀張。有如癩狀。吐乳不止。大便酸臭。乳食雖多。不生肌膚。

白木

當歸

木香

右等分。為細末。煉蜜為丸。如桐子大。每服一九。煎木香湯化下。

馮白散

見第四十九

塗龜尿法 取龜置荷葉上。鏡照之。則自尿。一法

極曰腎脉總

動肝經微血

二脉會于頤

頤二脉虛亦

能令頤解白

芍藥益肝飲

而透頂雄雞

延助陽高而

登頭實虛不

合者無効

以擦搗其鼻亦自出。

補中益氣湯 見第三十九

小兒鉶頤藥

白芍藥粉

右取黃雄雞臨兒頤上刺其冠以血滴頤上血止以芍藥末傅上掩血令不見一日立瘥不愈再如法傅之。

麝茸丹 治數歲不能行。

麝香

別研

茄茸

酥炙黃

生乾地黄

虎暉骨

酥塗灸黃

當歸

洗焙乾

黃耆

剉

右件各一兩。爲細末。用羊髓四兩煮爛。和成膏。如黍米大。每服十粒。磨沉香湯下。乳食前。日三服。

千金椹葉方 治少小頭不生髮。以椹葉搗取汁。

傅頭上立生。

榆末散 治小兒白禿髮不生。搗榆皮末。苦酒調。

塗。

聖惠神効黑豆膏 治兒腦疳。髮連根作穗。脫落不生。或白禿瘡。髮不生者。兼能黑髮。

黑豆

菖藤

訶梨勒皮

一兩

右件藥。搗羅末。水拌令勻。內于竹筒中。以亂髮塞口。塘灰內煨。取油貯瓷器中。先以米泔皂莢湯洗頭。拭乾塗之。日再用。十日髮生。

千金翼大豆方 治髮黃。以醋煮大豆爛。去豆煎

令稠塗髮。

清胃湯 治胃火牙痛。或連頭面。方見第四十九

雄黃丸 治小兒牙齒黑垢。氣臭疼痛。

雄黃二錢

麝香半錢

右爲細末。軟飯和爲挺子。安在牙內。

千金白鹽方 常以白鹽末封齒齦上。日三夜二。

靈苑生齒方

右用雄雌雞糞各十四顆。焙乾同研如粉。入麝

香少許。仍先以針挑破損齒。脚下血出。將散子傳之。年高者。不過二十日生。年少者。十日。不計傷損。及少自退落。並再生。

柴胡清肝散 治肝胆三焦風熱。怒火。或乍寒乍熱。往來寒熱。發熱。或頭發瘡。毒等證。

柴胡 一錢

黃芩 炒

人參

川芎 各一錢

山梔 炒一錢半

連翹

甘草 各五分

桔梗 八分

右水煎服。

湯氏龍黃散 治小兒停耳。汁出不止。

枯白礬

龍骨末

黃丹 炒各半兩

麝香 一錢

右同研細。先以綿杖子振膿水盡。用散一字半。分爲兩處入耳內。日二次。

立驗散 治蚰蜒及諸虫入耳

川芎

白芷

夜明砂 炒

猪牙皂角

炙

南星

炮各七錢五分

百部

白丁香

藜蘆

各四錢

草烏

兩半

砒霜

另研

萹撥

各二錢

海金沙

二錢半

右爲細末研勻。臨時更用鉛丹調色勻。磁器收。如蚰蜒入耳。取少許。以醋一滴調化。以細翎蘸藥入耳竅。微吹。令藥氣行。立出。藥不得多。多則蚰蜒成水不出。如蝎螫。先點少醋在螫處。搽藥半字許。擦令熱。卽効。

錢氏橘連丸 治疳瘦久服消食和氣長肌肉。

橘皮

一兩

黃連

宋詳浸一宿一兩半

右爲細末。另研入麝香五分。用猪胆七個分藥入胆內。漿水煮候臨熟。以針微刺破。以熟爲度。煮粟米粥和丸。如菜豆大。每服十丸。至二三十丸。米飲下。量兒加減無時。

豆豉大丸摩法 用豉數合。水拌濕。搗熟。丸如雞子大。摩兒顛上足心。各五六遍。又遍摩兒心。及

臍上下。食頃破視其中。當有細毛。卽擲丸道中。
譚氏姝聖治容悴方

驚啼哭不休。壯熱脉如鉤。莫識爲何病。傷心不
自由。犀角雄黃搗。桃符煎水稠。參苓芩苡子。三
粒化無憂。

張渙辟邪膏 兒血氣未實。神氣軟弱。除父母及
乳養人外。勿令見生人。及抱往別房異戶。及見
牛馬畜獸等。其父母家人之類。自外夜行歸家。

亦勿令見。恐經黃鬼神惡氣犯兒。令吐下五色。
水殺解離。狀似發癩。但眼不上戴。脉不弦急。名
曰客忤。

真降香

剉

白膠香

沉香

虎頭骨

剉

鬼臼

去毛

草龍膽

人參

白茯苓

右各半兩。搗羅細末。次入水磨雄黃半兩。細研
水飛次。研麝香一錢。拌勻。煉蜜和丸。雞頭大。每

一粒煎乳香湯化下。及別丸如彈子大。用絲絹袋盛。佩兒衣上。仍臥內常燒神妙。

竈中黃土方 客忤因而驚忤者。治法用竈中黃

土。研二兩。雞子一枚。去殼。二件相和。入少許水

調。先以桃柳枝湯浴兒。後將此藥塗五心。及頂

門上。

陳無擇法用竈中黃土。蚯蚓屎等分。如此法塗之。

三物燒髮散 治小兒見生人驚忤啼不止。

卽用來人頤上髮十莖。斷兒衣帶少許。合燒灰

細末和乳飲兒愈。

皂莢搐鼻法

見第七十三

沉香降氣湯

卽前辟邪膏

葱刺鼻法

右取葱黃心刺其鼻男左女右入七八寸小兒
量度之若使目中血出佳扁鵲法同是。

葛氏肘後灸法 以繩圍其死人肘腕男左女右

畢伸繩從背上大椎度以下又從此灸橫行各

半繩。此法三灸各三。卽起。又令爪其病人人中。取氣不起者。捲其手灸下文頭。隨年壯。又灸鼻中三壯也。又灸頤下宛宛中。名承漿穴。十壯。大効。又灸兩足大指爪甲聚毛中七壯。此華陀法。一云三七壯。又灸臍中百壯也。

管吹下部法。以管吹下部。須數人互吹。氣通則活。

千金牛舐方。治卒死無脉。無他形候。陰陽俱竭。

故也。

用牽牛臨兒鼻上。二百息。牛舐必差。牛不肯舐。着鹽汁塗面上。卽牛肯舐。

熨兩脇法 右炙熨斗。熨兩脇下。

備急方云
又治尸厥

治鬼壓死方 搗韭汁灌鼻孔中。刺者灌兩耳。

張仲

景云灌
口中

雞冠血方 治小兒不知所病。便死絕方。

右取雄雞冠。臨兒口上。割血滴入口。下卽活。

灸法 卒死而四肢不收。屎便者。灸心下一寸。臍上三寸。臍下四寸。各一百壯。見小者隨年。

圖經治鬼持方 用虎睛瓜并指骨毛繫兒臂上。辟惡鬼。

外臺深師五邪方 療鬼魅。妄言狂走。恍惚不識人。此爲鬼忤。

丹砂

雄黃

龍骨

馬目毒公

鬼箭

鬼臼

研各別

各五兩

二兩

赤小豆

三兩

芫青

一枚

桃仁

百枚去尖熬別研

右搗末。細絹篩。合諸藥。拌令勻。後內蠟。和如彈丸。絳囊盛。繫臂。男左女右。小兒繫頸。合時勿令婦人雞犬見。服者。蜜和圓如桐子大。一服三丸。日三服。忌五辛生血物。

太乙備惡散 主卒中惡。客忤。五尸入腹。鬼刺。鬼疰。及中蠱。瘴。吐血。下血。及心腹卒痛。腹滿。傷寒。陰毒病。六七日。

損日生湯起

死陰附子桂

心散

再破是也大

毒新小毒乾

化家盧巴豆

野葛是也又

紫廣濟子土

巴豆泄下下

吐利汗出得

一則生所以

然者連轉轉

二氣通正

氣內張邪氣

外散故耳

雄黃

芫花

桂心

各二兩

丹砂

蜀椒

各一兩

藜蘆

巴豆

各一分

附子

炮裂去皮臍五分

野葛

三分

右九味。巴豆別治如脂。餘合治下飾。以巴豆合和更搗令勻。以銅器密貯之。勿泄。有急疾。水服

一字七。可加至半錢七。老小半之。病在頭。當鼻

衄。在膈上吐。在膈下利。在四肢當汗出。神効。

聖惠木香散 治小兒尸疰。心腹脹痛。不可忍。

木香

鬼箭羽

桔梗

去蘆頭

當歸

剉微炒

紫蘇莖葉

各半兩

檳榔

三分

右搗爲粗散。每一錢。以水一小盞。入生薑少許。煎五分。去滓。不計時溫服。更量兒大小加減。

范汪方十七物紫參丸。療大人小兒蠱症。癥瘕。

積聚。瘦削。大小便不利。卒忤惡風。臏脹腹滿。淋水轉注。殫門盡戶。延及子孫。醫不能療者。

紫參

人參

半夏

湯洗

藜蘆

代赭石

桔梗

白薇

肉蓯蓉

各二分

石膏

大黃

牡蠣

熬

丹參

各一分

蝦蟇

燒灰

烏頭

炮各四分

狼毒

七分

附子

炮五分

巴豆

七十枚去心皮熬

右藥搗篩。蜜和爲圓。以飲下如小豆一丸。日三

服。老小以意減之。蜂蠆所螫。塗上神良。忌猪羊

肉。冷水。一方無蝦蟇。有乾薑四分。

殺羊角散 治小兒中蟲。腹內堅如石。面目青黃。

小便淋瀝。變易無常。

殺羊角 屑

藜荷 各一兩

梔子仁 七枚

赤芍藥

牡丹皮

黃連 去須各一分

犀角 屑半兩

右搗粗末。羅為散。每服一錢。以水一小盞。煎至

五分。去滓溫服。日三四服。更量兒大小加減。與

之

雄黃散 治小兒飛蟲。狀如鬼氣者。宜服。

雄黃

麝香

各別研

犀角

末各半兩

右藥都研令勻。每服以溫水調。半錢七。日四五服。量兒大小加減。

小兒五種蟲毒方

右鴉馬兜鈴根。羅爲散。每服一錢。水一盞。煎五分。去滓。空腹頓服。當隨吐蟲出。未吐再服。

敗鼓皮方

右用敗鼓皮一片。燒灰。細研爲粉。空心粥飲。調服一錢。病人須臾呼。盡主姓名。便愈。

醫燈續焰目錄

卷之十七

奇經八脉脉證第七十九

羌活勝濕湯

見第六十五

生鐵落飲

瀉青丸

見第四十九

丁香楝實丸

見第六十四

三因散聚湯

三因化氣湯

蘇子降氣湯

見第十七

黑錫丹

見第七十

震靈丹

金匱桂枝龍骨牡蠣湯

和劑威喜丸

東垣柴胡升陽湯

東垣退熱湯

本事枳實散

奇効枯痛丸

四七湯 見第十七

胃風湯

交加散

海藏愈風湯

加味逍遙散 見第五十

十全大補湯 見第十六

反關脉第八十

真藏脉第八十一

卷之十八 補遺

嘈噉

三聖丸

越鞠丸

見第四十一

二陳湯

見第十六

丹溪導飲丸

烏梅圓

見第六十三

酒煮黃連丸

見五十五

吞酸吐酸

藿香安胃散

見第二十一

加減二陳湯

三因鞠木丸

二陳加萊連神翅蒼朮方

酒煮黃連丸

見第五十五

噎膈

生薑半夏湯

統旨香砂寬中湯

和劑五膈寬中散

和劑穀神嘉禾散

統旨補氣運脾湯

代抵當丸

見第二十一

自汗

當歸補血丸

得効玉屏風散

保元湯

黃耆建中湯 見三十三

桂枝湯

見第十九

盜汗

當歸六黃湯

大建中湯

悸怔忡

導痰湯

見第四十一

溫膽湯

見第三十

茯苓甘艸湯

薑朮湯

補中益氣湯

見三十九

四君子湯

見篇十六

六君子湯

見第十六

小建中湯

見第二十二

黃耆建中湯

見二十二

四物湯

見第二十一

朱雀丸

見第五十一

當歸補血湯

見第十六

經驗定心丹

炙甘草湯

見第三十二

健忘

歸脾湯

見第五十八

讀書丸

朱雀丸

見第五十一

二參丸

開心散

壽星丸

見第五十

導痰湯

見第四十一

代抵當丸

見第二十

不寐

八珍湯

見第十六

歸脾湯

見第五十八

仲景酸棗仁湯

溫膽湯

見第二十

六君子湯

見第十六

內經半夏湯

導痰湯

見第四十一

呃

二陳湯

見第十六

溫膽湯

見第二十

導痰湯

見第四十一

和劑枳實半夏湯

麴蘗枳朮丸

見第二十二

法製陳皮

法製檳榔

六君子湯

見第十六

四君子湯

見第十六

橘皮竹茹湯

理中湯

見第十七

紫古柿錢散

金匱腎氣丸

見第十六

良方參附湯

而

升麻胃風湯

升麻順氣湯

犀角升麻湯

補胃湯

茯苓桂枝五味甘艸湯

七白散

洗面藥

面上五色瘡方

面上豆痕斑點醫方

面上粉刺方

斗門方

指爪破面方

又方

平胃散

白防子散

祛風白芷散

目

易簡補肝散

本事菊花散

瀉青丸

見第四十九

局方湯泡散

湯泡散

分珠散

清涼散

二黃散

照水丸

千金磁硃丸

煮肝散

洗眼方

菊疇丸

駐景丸

枸杞子酒

地芝丸

定志丸

耳

清神散

磁石湯

益腎散

犀角飲子

鼻

通氣湯

防風散

單南星散

葶擦餅

瓜礬散

芷夷散

鼻衄不止方

口唇

瀉白湯

黃檗散

五福化毒丹

見七十八

冰燄丸

舌

薄荷煎

黑參丸

薏苡仁湯

舌血舌腫舌出方

齒

清胃湯

見第四十九

香鹽散

謝傅笑去散

白痰藜散

青白散

齒縫出血方

齒肉壅出

鬚髮

天寶單方

巨勝丸

旱蓮膏

地黃膏

筆峰雜興方

六淫方

陰淫上下厥逆中外寒慄

附子理中湯

見第十七

四逆湯

見第二十二

陽淫狂譫煩渴血泄浸淫

白虎湯

見第四十三

犀角地黄湯

風淫肢癢毛落髮習瘕癧

寶鑑醉仙散

通天再造散

雨淫腹滿腫脹腸鳴濡瀉

平胃散

見第四十七

五苓散

見第十七

晦淫百合狐惑熱中藏燥

百合知母湯

滑石代赭湯

百合雞子湯

百合地黃湯

甘草瀉心湯

苦參湯

雄黃薰法

赤小豆當歸散

金匱甘麥大棗湯

明淫恍惚動悸錯妄失神

金匱桂枝去芍藥加龍骨牡蠣救逆湯

東垣朱砂安神丸

見第十九

卷之十九

望診

藏府部分

五官

診病新久

面部圖

藏府色見面部圖

肢節色見面部圖

統論色

面

口

鼻

血脉

毛髮

形體

死證

五藏絕證

詐病

聲診

聲

息

問診

醫燈續焰

卷十九月

九

陸地舟

人品起居

病證

嗜欲苦樂

附辨舌

醫燈續焰卷十七

錢塘後學濟 楫碩甫註

同邑社盟王佑賢聖龔評

門人張芝蘭吮如

姪

世韶夔司校

世龔子咸

奇經八脉脉證第七十九

奇經八脉其診又別。直上直下。浮則爲督。牢則爲衝。

緊則任脉。寸左右彈。陽蹻可決。尺左右彈。陰蹻可別。
關左右。彈。帶脉當訣。尺外斜上。至寸陰維。尺內斜上。
至寸陽維。督脉為病。脊強癩癩。任脉為病。七疝瘕堅。
衝脉為病。逆氣裏急。帶主帶下。臍痛精失。陽維寒熱。
目眩僵仆。陰維心痛。胸脇刺築。陽蹻為病。陰緩陽急。
陰蹻為病。陽緩陰急。癩癩瘕瘕。寒熱恍惚。八脉脉證。
各有所屬。

一奇經八脉者。在十二經脉之外。無藏府與之配偶。

二經純持

一至要今

於正經尚

橫貫况奇

平潘于此

託按鄧樓分

生人可命者

亦當共贊也

故曰奇。夫藏府之脈。寸關尺有定位。左寸心小

右寸肺大

左關肝膽右關脾胃左尺

腎膀胱右尺命門三焦

浮中沉有定體。三菽六

菽九菽十二菽按之

至骨分肺心脾肝腎

弦鈎毛石有定形。春弦肝木

秋毛肺金

冬石腎水

此則另為一脈。形狀固異。而隨經亦殊。

病證不同。而診治自別。蓋督任衝三脈。皆起於胞

中。一源而三派。督行於背。總督諸陽。任行於腹。總

任諸陰。衝則後行於背。前行於腹。上行於頭。下行

於足。以至谿谷肌肉。無處不到。誠十二經內外上

下之要衝也。故靈樞順逆肥瘦篇曰：衝脉者，五藏六府之海也。五藏六府皆稟焉。二脉直行上下，發源最中，故見於脉。亦皆直上直下也。直上直下者，卽三部俱長透之義。若直上下而浮，則氣張揚，陽象也。故屬督。若直上下而緊，則勢斂束，陰象也。故屬任。若直上下而牢，則體堅實，有餘之象也。故屬衝。陽蹻陰蹻者，皆起於足跟。人身之超越蹻捷者，亦莫過於足跟。故曰蹻。一則爲足太陽之別，循外

蹠上行。入風池。合於太陽。故名陽蹠。一則爲足少陰之別。循內蹠上行。至咽喉。交貫衝脈。故名陰蹠。寸以候陽。寸左右彈者。言在寸左右。皆有彈石搏手之勢。是陽蹠脈也。尺以候陰。尺左右彈者。言在尺左右。皆有彈石搏手之勢。是陰蹠脈也。二經之起。以蹠之內外分陰陽者。外蹠屬太陽。而內蹠屬少陰也。二經之脈。以尺寸分陰陽者。以陽蹠入風池。合太陽至頭。故以寸候之。陰蹠合少陰而不至。

維持得全
在交會處

頭故以尺候之也。帶脈者圍身一周，不上不下，如束帶然。故彈搏之脈，唯見於左右中關耳。陽維陰維者，維持一身。陽維維陽，起於諸陽之會。陰維維陰，起於諸陰之交。夫人身經脈繁密，二脈能於陰交陽會處，加一紮縛，舉綱齊目，而陰陽斯得維持之力矣。其見於脈，自尺至寸，皆刺斜而上。陰則自外入內，陽則自內出外。蓋其經亦皆自下而起。陽自外蹠，出肩至膈。陰自內蹠，入腹至喉。故也。此八

不可不用藥
可補常用藥
梅貫豆湯
以發別

經之脉狀。病則見。不病則不見。難經二十八難曰。人脉隆盛。入於八脉。而不環周。故十二經亦不能拘之。不能拘之者。謂十二經不能拘此八脉在環周之內。然而八脉之元元。已寓於十二經中矣。故平和。不病。則不見也。其脉曰浮。曰牢。曰緊。曰左右。彈。曰斜上。雖皆各因其陰陽道路呈象。而脉狀則俱似有邪而實者。本難云。畜則砭射。良有以哉。其病督脉脊強癩痛者。蓋督脉起於少腹。以下骨中。

央。女子入繫庭孔之端。絡陰器。繞篡。繞臀。至少陰。與太陽少陰合。入股內。貫脊。屬腎。與太陽起目內。背。上額交巔。上入絡腦。還出別下項。循肩膊內。夾脊。抵腰中。入循脊。絡腎。

自目內背。上額下。循脊。絡腎。皆合太陽而並行者也。

其男子循莖下至篡。與女子等。其少腹直上者。貫臍中央。上貫心。入喉。上頤。環唇。上繫兩目之下中央。其脉之別。名曰長強。俠脊上項。散上頭。下當肩。脾。左右別走太陽。入貫髀。二十八難亦曰。督脉者。

起於下極之俞。並於脊裏。上至風府。入屬於腦。由是觀之。則督脈與太陽合行者十九。故邪客則脊強。以其貫脊也。平與太陽皆主表。而督爲諸陽之總。太陽爲諸陽之長。又曰巨陽。風邪從類傷陽。表必先受。故留則爲癩癰疾也。癩癰時發時止。或筋脈牽引。或項背反張。雖云風傷督脈。亦太陽主筋故耳。宜羌活勝濕湯生銀落飲湯青先之類任脈爲病。七疝瘕堅者。蓋任脈總諸陰之會。其脈起於胞中。循腹裏。爲經

諸病之有風
名者不詳
厥陰耳

絡之滄。其浮而外者。循腹裏。上行於咽喉。別而絡
唇口。難經亦云。起於中極之下。以上毛際。循腹裏。
上關元。至咽喉。七病者。在巢氏則曰厥疝。癥疝。寒
疝。氣疝。蠱疝。附疝。狼疝。張子和非之。另立七名。曰
寒疝。水疝。筋疝。血疝。氣疝。狐疝。癩疝。而諸經所載。
如素問四時刺逆從論所云。狐疝風。肺風疝。脾風
疝。心風疝。腎風疝。肝風疝。骨空論所云。疝疝。尿疝。
篇所云。癩疝。玉機真藏論所云。疝疝。小腹宛熱而

婦人衝任有
經不調
不至者小交
孕是結心此

痛山白。一名曰蠱。蠱。氣藏府病形篇所云。小
腸病者。小腹痛。腰脊拮擗而痛。時窘之後。此亦疝
類也。名雖多種。總不能出於七疝之外。蓋七疝之
發。必在前陰少腹之間。任脉所經之地。雖屬他經。
未有不以任爲原者。痠者。假也。氣聚則堅。氣散則
平。亦似疝之時作時止。發則亦在任脉界分。多屬
血凝經滯。女子之病也。宜東垣丁香棟實丸三衝
脉爲病。逆氣裏急者。衝之與任。皆起胞中。上循背

裏。爲經絡之海。亦名血海。其浮而外者。亦循腹上行。會於咽喉。別而絡唇口。強半與任脈同。素問骨空論曰。衝脈者。起於氣衝。並足少陰之經。俠臍上行。至胸中而散。二十八難則曰。起於氣衝。並足陽明之經。俠臍上行。至胸中而散。痿論亦曰。衝脈者。經脈之海。主滲灌谿谷。與陽明合於宗筋。二論所並。雖有少陰陽明之不同。要知自臍至胸。與陽明則並於前。與少陰則並於後也。故與陽明皆得稱。

帶下人所易
忽然此疾不
除亦難安乎
故是人亦巧
帶下皆乎邪
也

爲五藏六府之海。其氣不順。血不和。則胸腹之氣。循經壅逆而裏急矣。宜葉子降氣湯黑錫丹震靈丹之類帶脈爲病。帶下。臍痛。精失者。以帶脈起於季脇。廻身如帶。藏府十二經絡。皆過於此。若飲食不節。勞慾縱傷。致令濕熱下流。邪火內鬱。外或風入胞宮。邪凝臍腹。帶脈不任。與邪俱陷。或赤或白。如涕如膿。或青黃雜色。或濁黑異形。溢漏不時。淋瀝不淨。其兼證。則腰腹痠疼。足膝痠軟。頭日暈眩。經脈參差。甚或寒

經絡圖考
卷之七十四
實聖

熱往來。容顏枯瘁。然而發源於衝任脾胃者多。以衝爲血海。任總諸陰。脾胃司水穀故耳。是以骨空論曰。任脈爲病。女子帶下。瘕聚。又瘕論曰。衝脈與陽明合於宗筋之會。而陽明爲之長。皆屬於帶脈。帶脈起於季脇章門前。則當臍上。故又或爲臍痛。靈樞經別篇曰。腎足少陰。當十四椎。出屬帶脈。蓋腎主藏精。帶固腰膝。虛則一不能藏。一不能固。而精有自失者矣。宜金匱桂枝龍骨牡蠣湯和劑威喜丸之類。陽維爲病。

寒熱目眩僵仆者以陽維維絡一身之陽陽至衛。

主氣。主表病則不能維陽。是陽無護持而衛氣亦

因之不固。故在表則生寒熱。其脈氣所發別於金

門。在尻太陽以陽交爲郄。足少陽與手足太陽及

躡脈會於臑俞。手太陽與手足少陽會於天髎。手

陽又會於肩井。足少陽其在頭也與足少陽會

於陽白。足少陽上於本神及臨泣。俱在足少上至

正營。足少陽及臑空。足少陽下至風池。足少陽

營子曰四維
者乃決
七人身陰陽
無維亦猶是
也

督脈會於風府

督脈後髮際

啞門

督脈後府

觀此則知本

脈之維於頭目手足。頸項肩背諸陽無一不到。其

脈不榮則不能維。在頭目無維則眩。在頸項肩背

無維則僵。在手足無維則仆矣。

宜東垣柴胡升陽湯東垣退熱湯之

類。陰維爲病心痛胸腹刺築者以陰維維絡一身

之陰。陰主榮。主裏不能維陰則陰無約束而榮氣

因之不和。故在裏則心痛。又榮主血。血合心。故心

痛也。其脈氣所發陰維之郄名曰築賓。

足少陰內踝上

與

足太陰會於腹哀。

足太陰乳下

大腧。

足太陰腹下

又與足太

陰會於府舍。

足太陰少腹下

期門。

足太陰乳下

與任脉會於天

突。

任脉乳下

廉泉。

任脉舌本下

觀此則知本脉之維於胸腹

諸陰亦無一不到。其脉不榮則不能維。在胸脇朱

所維則動築而刺痛矣。

宜本事故實散奇効甚痛凡四七湯之類

陽躄

爲病。陰緩陽急。陰躄爲病。陽緩陰急。及癩癩瘰癧。

寒熱恍惚者。蓋二躄之脉同發一源。難經二十八

難曰。陽躄脉起於跟中。陰躄脉亦起於跟中。不唯

足之舉止屬
提摩脈爲之

同起於跟。而又同終於目。靈樞脈度篇曰。蹻脈者。少陰之別。起於然骨之下。上內踝之上。直上循陰股。入陰。上循胸裏。入缺盆。上出人迎之前。入頰。屬目內眥。合於太陽陽蹻而上行。氣并相還。則爲濡目。濡謂榮。參於目。又曰。男子數其陽。女子數其陰。當數者爲經。不當數者爲絡。觀此。則知二蹻之脈。雖以男女分陰陽。而實則迭爲經絡。是一本也。故其爲病。亦不似前六脈。逐經分屬。本文以癩癩瘕癧。寒熱。

也惟此經有

三行又迭爲

經絡亦大奇

矣

先以陰陽總

揭于前而後

條下

真之妙

恍惚總系二經之下。以二經均可病此。證雖云四。而病機可分爲八。陰陽緩急之義。自是顯然。夫人之身。背爲陽。腹爲陰。開爲陽。闔爲陰。外爲陽。內爲陰。熱爲陽。寒爲陰。癩則目閉。俛首。陰急而陽緩也。癰則目直。僵仆。陽急而陰緩也。大惑論所謂衛氣不得入於陰。常留於陽。留於陽。則陽氣滿。陽氣滿。則陽蹇盛。不得入於陰。則陰氣虛。故目不瞑。衛氣留於陰。不得行於陽。留於陰。則陰氣盛。陰氣盛。則

陰驕滿。不得入於陽。則陽氣虛。故目閉。脈度篇亦云。蹻之陰脈榮其藏。陽脈榮其府。又云。內溉五藏。外濡腠理。又陰出陽。則交於足太陽。陽入陰。則交於足少陰。雖一爲太陽之別。一爲少陰之別。而實則隨衛氣相終始者。故衛氣之行。即可徵二蹻之虛盛。痰者。挈也。筋脈挈向裏拘。陰急而陽緩也。癢者。經也。筋脈經從外弛。陽急而陰緩也。寒則氣收歛。從裏從陰。陰急而陽緩也。熱則氣散漫。從表

八種脈證洞
若流於內外
明微自為慶
以來無人道

從陽陽急而陰緩也。恍者，目前恍然，若有所見。謬
刺論曰：邪客於足陽蹻之脈，令人目痛，從內背始。
且合太陽上行而并濡於目，病屬目而從外，陽蹻
之病。陽急而陰緩也。惚者，胸中惛惚，若有所失。脈
度篇曰：蹻脈者，少陰之別，起於然骨之後，循陰股
入陰，正循胸裏，入缺盆。二十八難曰：陰蹻脈者，亦
起於跟中，循內踝上行，至咽喉，交貫衝脈，病屬胸
膈而從內，陰蹻之病，陰急而陽緩也。二脈一為經。

後一字攝思
落筆若有神

功

一爲絡病在經。則經急絡緩。病在絡。則經緩絡急。總之皆可言經。皆可言絡。但以男女分陰陽之所屬。緩急證病邪之所在。而正文以諸證爲二經。

共義良深矣。

宜用氣湯交加散海藏愈風湯
加味逍遙散十全大補湯之類

附方

羌活勝濕湯

元第六十五

生鐵落飲 治肝水有餘。或大怒。諸火上炎。上盛

下虛。發爲癲狂。神氣不寧。渴煩譫妄。

生鐵四十斤，入火燒赤沸，砧上鍛之。有花出如
繭如蛾，紛紛墜地者，是鐵落。用水二斗，煮取一
斗，入後藥。

石膏

三兩

龍齒

研

白茯苓

防風

去蘆各一兩半

玄參

菖蒲

各一兩

右爲粗散，入鐵汁中，煮取五升，去滓，入竹瀝一
升，和勻，溫服二合，無時，日五服。

瀉青丸

見第四十九

東垣丁香棟實丸

見第六十四

三因散聚湯 治九氣積聚。狀如癥瘕。隨氣上下。發作心腹絞痛。攻刺腰脇。小腹脹。大小便不利。

半夏

湯洗七次

檳榔

當歸

各七分五分

陳皮

去白

杏仁

去皮尖麩炒

桂心

各二兩

茯苓

灸甘草

附子

炮去皮

川芎

枳殼

去穢炒

厚朴

薑製

吳茱萸

湯浸各一兩

每服四錢。水一盞。薑三片。煎七分。食前溫服。大便不利。加大黃。

三因化氣湯 治息積。

砂仁

桂心

木香

各二錢五分

甘艸

茴香

炒

丁香皮

青皮

陳皮

乾薑

蓬朮

炮各半兩

胡椒

沉香

各一錢

右爲細末。每服二錢。薑蘇鹽湯調下。婦人醋湯下。

蘇子降氣湯 見第七十

黑錫丹 見第七十

震靈丹

紫府元君南嶽魏夫人方出道藏一名紫金丹

治男子真元衰

憊。五勞七傷。脰腹冷疼。肢體酸痛。上盛下虛。頭目眩暈。心神恍惚。血氣衰微。及中風癱瘓。手足不遂。筋骨拘攣。腰膝沉重。容枯肌瘦。目暗耳鳴。

口苦舌乾。飲食無味。心腎不足。精滑夢遺。膀胱
疝。小腹淋瀝。夜多盜汗。久瀉久痢。嘔吐不食。
八風五痺。一切沉寒痼冷。服之如神。及治婦人
血氣不足。崩漏虛損。帶下。久冷胎藏無子。

禹餘糧

火煨醋淬不計遍
數手撚得碎爲度

紫石英

赤石脂

丁頭代赭石

如禹餘糧炮
製各四兩

已上四味。並作小塊。入井鍋內。鹽泥固濟。候乾。
用炭十觔。煨通紅。火盡爲度。入地埋。出火。弄二

宿。

滴乳香

另研

五靈脂

去砂石篩

沒藥

去砂石研各二兩

朱砂

水飛過一兩

右八味並爲細末。以糯米粉煮糊爲丸。如雞豆大。晒乾出光。每一丸空心溫酒。或冷水任下。常服鎮心神。駐顏色。溫脾胃。理腰膈。除尸疰。蠱毒。辟鬼魅邪厲。久服輕身。漸入仙道。忌猪羊血。恐減藥力。婦人醋湯下。孕婦不可服。

金匱桂枝龍骨牡蠣湯 金匱要畧云。夫失精家。

少腹弦急。陰頭寒。目眩髮落。脈極虛。芤遲。清穀。

亡血。失精。脈得諸。芤動微緊。男子失精。女子夢。

交。桂枝龍骨牡蠣湯主之。小品云。虛弱浮熱汗

子各三分。各二加龍骨湯。

桂枝 芍藥 生薑 各三兩

芩艸 各二兩 大棗 十二枚 龍骨

牡蠣 各三兩

右七味以水七升煮取三升分溫三服

和刺威喜丸 治丈夫元陽虛憊精氣不固餘瀝

常流小便濁夢寐頻泄及婦人血游久冷白帶

白濁白淫下部常濕小便如米泔或無子息

黃蠟

四兩

白茯苓

去皮四兩作塊用猪苓二錢半同於磁器內煮

二十餘沸出日乾不用猪苓

右以茯苓爲末熔黃蠟搜爲丸如彈子大空心

細嚼滿口生津徐徐嚥服以小便清爲度忌米

醋尤忌使性氣只吃醋。

東垣柴胡升陽湯 治陽虛下陷發熱。

柴胡

升麻

葛根

獨活

羌活

各半兩

防風

二錢半

甘草

生二錢炙二錢

人參

白芍藥

各半兩

右按明每服半兩水三大盞煎一盞去滓稍熱服忌冷物水月餘。

東垣退熱湯 治表中虛熱或遇夜則甚。

黃耆

錢一

生并艸

黃連

酒製

黃芩

芍藥

地骨皮

生地黄

蒼朮

各五分

當歸身

升麻

各三分

右咬咀作一服水二盞煎一盞去滓食遠溫服

本事枳實散治男子兩脇疼痛

枳實

一兩

白芍藥

炒

雀腦

等

人參

各半兩

右細末。薑棗湯調二錢。酒亦得。食前日三服。

奇効拈痛丸 治九種心痛。

五靈脂

蓬莪朮

煨

木香

當歸

各等分

右爲末。煉蜜和丸如桐子大。每服二十丸。食前用橘皮煎湯下。

四七湯

見第十七

胃風湯

醫燈續編

卷十七

十七

陸地

白芷

一錢二分

升麻

二錢

葛根

蒼朮

蔓荊子

當歸身

各一錢

芍藥

柴胡

藜蘆

羌活

黃藥

草豆蔻

麻黃

不去節
各五分

水二鍾。薑三片。棗二枚。煎八分。溫服。

交加散 治痲痺。或顛振。或產後不省人事。口吐

痰涎。

當歸

荆芥

右爲細末。每服二錢。水一盞。酒少許。煎七分。下神効。

海藏愈風丹

一名舉邪
古拜散

治一切失血。筋脉緊急。

產後及汗後搐搦。

荆芥

爲細末

先以炒大豆黃卷。以酒沃之。去黃卷。取清汁調前末三五錢。和滓服之。輕者一服。重者二服。三

服卽止。氣虛者忌服。童便調亦得。

加味逍遙散

見第五十一

十全大補湯

見第十六

反關脉第八十

平人無脉。移於外絡。兄位弟乘。陽谿列缺。

平人無脉者。非無脉也。謂寸口脉不應指。而反從尺傍過肺之列缺。大腸之陽谿。刺斜出於外絡。其三部定位。九候淺深。俱與平常應見於寸口者無

此覆脉須詳
醫勿認爲脉
脫而驚訝也

異。若兄固有之位，弟竊而乘之，此反常異衆之脈。千百中僅一見也。

真藏脈第八十一

病脈旣明，吉凶當別。經脈之外，又有真脈。肝絕之脈，循刀責責，心絕之脈，轉豆躁疾，脾則雀啄，如屋之漏，如水之流，如盃之覆，肺絕如毛，無根瀟索，麻子動搖，浮波之合，腎脈將絕，至如省客，來如彈石，去如解索，命脈將絕，蝦遊魚翔，至如湧泉，絕在膀胱，真脈旣形。

胃氣已無。察色證斷之以臆。此即正文論終。

已上正文之論脈。首先源派。次及流行。次則左右。男女定位。次則五藏陰陽合時。寒熱。則屬之遲數。內外。則別之浮沉。以至虛實異形。正邪各狀。因脈知病。因病識脈。病則該於瘡瘍。女幼。脈則窮於奇經。反關。可謂明且詳矣。然而諸脈之外。更有所謂真脈者。大關生死。故又審別於卷末焉。夫人稟五行而生。則五行原吾身之固有。外與天地通。內與

以平脉形而
脉使人反按
有明非善於
詮解者不能
也

殺神合。是得以默運潛行而不顯然彰露。設五藏

之元真。敗絕。殺神不將。則五行之死形。各隨藏而

見矣。在肝如循刀責責。

強勁弦急按之切手

所謂軟弱輕虛

而滑。端直以長者無有也。在心如轉豆燥疾。

前曲後居

柔滑全無。所謂累累如連珠。如循環玕者。無有也。在脾

如雀啄粒。

堅銳連屬

如屋之漏。

許久一滴二脉乍疎乍數

如水之流。

去而不返。如杯之覆。

止而不揚

所謂和柔相離。如雞踐地者。

無有也。在肺如毛。無根蕭索。

上則微茫下則斷絕

麻子動搖。

後散而亂

浮波之合。

浮從無根

所謂厭厭聶聶如落榆莢者

無有也。在腎至如省客。

省間之客一至即去

如彈石。

彈搏而來

所藏盡出

去如解索。

解散而去欲盡無入

所謂喘喘累累如鈞按

之而堅者無有也。在命門右腎與左腎同。但內涵

相火。故其絕也如蝦之游。如魚之翔。忽爾靜中一

躍。火欲絕而忽煽之象也。在膀胱至如湧泉。

泛濫不收

以其藏津液而爲州都之官。故絕形如此。蓋脉之

和柔得體者。胃氣與之俱耳。胃氣者。卽生生水穀

之氣也。胃氣微少。亦成病。何況於無。無則生生之
根本先絕。而五藏欲自持久。不可得矣。若能再察
色證。而以臆斷之。理當不爽。

醫燈續焰卷十七 終

醫燈續焰

卷十七